



Služba za privredu i zaštitu okoliša

Broj: 08-20-1469/26
Lukavac, 15.05.2026. godine

Na osnovu člana 25. Pravilnika o uslovima, kriterijima i postupku ostvarivanja prava na novčanu podršku u primarnoj poljoprivrednoj proizvodnji na području grada Lukavac („Službeni glasnik Grada Lukavac“, broj: 3/24 i 5/24), Služba za privredu i zaštitu okoliša raspisuje:

JAVNI POZIV za sufinansiranje u nabavci repromaterijala za proljetnu sjetvu merkantilnog kukuruza u 2026. godini (sjemena i mineralnog đubriva) na području grada Lukavac

Predmet Javnog poziva je prikupljanje prijava (zahtjeva) za sufinansiranje repromaterijala za proljetnu sjetvu kukuruza u 2026. godini (sjemena i mineralnog đubriva) na području grada Lukavac, što je u skladu sa Programom novčanih podrški u primarnoj poljoprivrednoj proizvodnji iz Budžeta Grada Lukavac za 2026. godinu („Službeni glasnik Grada Lukavac“, broj: 3/26), dio A. **Biljna proizvodnja** stav A.3. Sufinansiranje sjetve merkantilnog kukuruza i ukupna visina novčanih sredstava za ovu mjeru iznosi 20.000,00 KM.

I. PRAVO UČEŠĆA

Pravo na podnošenje prijava (zahtjeva) po ovom Javnom pozivu imaju korisnici (obrtnici, pravna ili fizička lica) koja ispunjavaju sljedeće:

A) OPĆE USLOVE:

- da imaju prebivalište, odnosno poslovno sjedište na području grada Lukavac, a kao dokaz se dostavlja u originalu ili ovjerenj kopiji:
 - za pravna lica izvod iz sudskog registra;
 - za registrovana fizička lica – gradsko rješenje o registrovanom obrtu;
 - za fizička lica CIPS
- da su upisani u Registar poljoprivrednih gazdinstava i Registar klijenata (u daljem tekstu: RPG i RK),
- da u tekućoj godini izvrše sjetvu kukuruza na minimalnoj površini obradivog poljoprivrednog zemljišta od 0,5 ha (pet dunuma), a maksimalnoj od 1,0 ha (deset dunuma);
- da su u tekućoj godini, a najkasnije do 01.06. nabavili sjeme merkantilnog kukuruza i ostali repromaterijal neophodan za provođenje agrotehničkih mjera za sjetvu i njegu usjeva;
- da su uredno ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine/Grada Lukavac iz prethodnih godina;
- da imaju poljoprivredno zemljište u posjedu ili sklopljen ugovor o zakupu ili da za biljnu proizvodnju na licu mjesta bude prisutan vlasnik poljoprivrednog zemljišta koji će dati pisanu saglasnost na zapisnik Komisije formirane od strane Gradonačelnika za proizvodnju u tekućoj godini korisniku koji aplicira za novčanu podršku;
- da ispunjavaju posebne uslove ovim Javnim pozivom.



B) POSEBNI USLOVI

- da korisnici imaju uspostavljenu ili da će uspostaviti proizvodnju merkantilnog kukuruza na površini od najmanje 0,5 ha (5 dunuma), a najviše na 1,0 ha (10 dunuma) koja se dokazuje nabavkom repromaterijala za sjetvu kukuruza sjemena i mineralnog đubriva. Norma sjetve za merkantilni kukuruz iznosi 5.500 do 6.000 zrna po jednom dunumu.
- da su u tekućoj godini nabavili sjeme merkantilnog kukuruza i ostali repromaterijal neophodan za provođenje agrotehničkih mjera za sjetvu i njegu usjeva.

II. POTREBNA DOKUMENTACIJA

Zainteresirani poljoprivredni proizvođači podnose prijave (zahtjeve) u Šalter Sali Grada Lukavac. Za ostvarivanje prava na novčanu podršku prilaže se sljedeća dokumentacija u originalu ili ovjerenj kopiji:

1. Uredno ispunjen zahtjev za novčanu podršku;
2. Potvrda o upisu u RPG i RK koju izdaje nadležna Služba za vođenje RPG i RK Grada Lukavac (provjera po službenoj dužnosti);
3. Dokaz o prebivalištu odnosno poslovnom sjedištu na području grada Lukavac, a kao dokaz se dostavlja:
 - za pravna lica izvod iz sudskog registra;
 - za registrovana fizička lica – gradsko rješenje o registrovanom obrtu;
 - za fizička lica CIPS
4. Dokaz o kupljenom repromaterijalu za sjetvu merkantilnog kukuruza:
 - za fizička lica fiskalni račun i deklaracija o kvalitetu i sortnoj čistoći sjemena ovjerenu od strane prodavca na kojoj piše ime podnosioca zahtjeva;
 - za pravna lica i obrtnike faktura izdana na ime podnosioca zahtjeva i fiskalni račun i deklaracija o kvalitetu i sortnoj čistoći sjemena ovjerenu od strane prodavca na kojoj piše ime podnosioca zahtjeva;
5. Ovjerena izjava korisnika o zasnovanoj proizvodnji merkantilnog kukuruza ili da će zasnovati proizvodnju na vlastitom zemljištu ili zemljištu za koje ima ugovor o zakupu ili zemljištu koje koriste bez Ugovora o zakupu, a za koje će posjednik, odnosno vlasnik poljoprivrednog zemljišta dati pisanu saglasnost na zapisnik Komisije za za proizvodnju merkantilnog kukuruza u tekućoj godini korisniku koji aplicira za novčanu podršku;
6. Ovjerena izjava korisnika o izmirenim obavezama iz svih sklopljenih Ugovora o dodjeli novčanih sredstava iz Budžeta Općine/Grada Lukavac iz prethodnih godina;
7. Zemljišnoknjižni izvadak ili posjedovni list kao dokaz o vlasništvu odnosno posjedu poljoprivrednog zemljišta, odnosno ugovor o zakupu i zemljišnoknjižni izvadak ili posjedovni list zakupodavca ukoliko se radi o zakupu zemljišta (ugovor treba biti ovjeren kod notara ili od strane gradske uprave) ili neovjereni posjedovni list za zemljište koje koriste bez Ugovora o zakupu, a za koje će posjednik, odnosno vlasnik poljoprivrednog zemljišta dati pisanu saglasnost na zapisnik Komisije za proizvodnju merkantilnog kukuruza u tekućoj godini korisniku koji aplicira za novčanu podršku;
8. Potvrda iz banke o otvorenom računu;
9. Dokaz o uplati administrativne takse.

Visina novčanih sredstava za sufinansiranje repromaterijala za proljetnu sjetvu merkantilnog kukuruza u 2026. godini (sjemena i mineralnog đubriva) iznosi 80,00 KM po dunumu, odnosno najmanji iznos je 400,00 KM za 0,5 ha (5 dunuma), a najviši iznos je 800,00 KM za 1,0 ha (10 dunuma) zasijanog merkantilnog kukuruza.

Ukoliko ukupan iznos obračunatih novčanih sredstava po svim urednim zahtjevima bude veći od planiranih sredstava, izvršit će se proporcionalno smanjenje iznosa novčanih sredstava po korisniku.

III. PROCEDURA ODABIRA KANDIDATA ZA DODJELU SREDSTAVA

Komisija za odobravanje novčanih podrški u primarnoj poljoprivrednoj proizvodnji iz Budžeta Grada Lukavac u 2026. godini imenovana od strane Gradonačelnika pod brojem: 02-04-769/26 dana

13.03.2026. godine će pregledati prispjele prijave i dokumentaciju, evidentirati kandidate koji ispunjavaju uslove iz Javnog poziva.

Komisija neće razmatrati nepotpune i neblagovremene zahtjeve i isti će na prijedlog Komisije biti odbačeni zaključkom službe nadležne za poslove poljoprivrede.

Protiv zaključka korisnik može izjaviti žalbu Komisiji za rješavanje u drugostepenom postupku Gradskog vijeća u roku od osam dana od dana prijema zaključka.

Ukoliko Komisija utvrdi da su kandidati podnijeli prijave na Javni poziv, a da nisu ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine/Grada Lukavac po raspisanim Javnim pozivima iz prethodnih godina, prijave istih se neće uzeti u razmatranje.

Komisija vrši terenski obilazak radi kontrole ispunjenosti uslova za ostvarivanje prava na podsticajna sredstva po svakom pojedinačnom zahtjevu koji je potpun i blagovremen o čemu sačinjava zapisnik. Komisija na osnovu svih prethodno izvršenih radnji sačinjava i predlaže listu krajnjih korisnika koju dostavlja Gradonačelniku.

Saglasnost na predloženu listu daje Gradonačelnik.

Služba za privredu i zaštitu okoliša, nakon dobijanja saglasnosti od strane Gradonačelnika na predloženu listu, sačiniti će Odluke o isplati odobrenih novčanih sredstava za novčanu podršku.

Ukoliko ukupan iznos obračunatih novčanih sredstava po svim zaprimljenim zahtjevima bude veći od raspoloživog iznosa za novčane podrške po Javnom pozivu, proporcionalno će se smanjiti odobreni pojedinačni iznos novčane podrške.

Komisija imenovana Rješenjem Gradonačelnika vršiti će nadzor nad realizacijom i namjenskog utroška novčanih sredstava koja su doznačena korisnicima i o istom će sačiniti izvještaje i dostaviti Gradonačelniku.

Ukoliko Komisija utvrdi da korisnik sredstava nije namjenski utrošio sredstva, korisnik je dužan u roku od 15 (petnaest) dana od dana utvrđivanja ne namjenskog utroška sredstava vratiti cjelokupni dodijeljeni iznos.

Javni poziv će biti objavljen na oglasnoj ploči Grada Lukavac, službenoj web stranici Grada Lukavac i Radio-televiziji Lukavac.

Javni poziv teče od 18.05.2026. godine i ostaje otvoren zaključno sa 01.06.2026. godine do 15³⁰ sati.

**SAGLAŠAN
GRADONAČELNIK**

Dr.sc. Edin Delić

**POMOĆNIK GRADONAČELNIKA
Službe za privredu i zaštitu
okoliša**

Enida Fatušić, dipl. pravnik